

Naam en Van: _____

Datum: _____

Afrikaans Huistaal- Graad 4

Totaal: Afdeling A:30 _____

Afdeling B:20 _____

Afdeling A: Begripstoets

1. Lees die volgende artikel en beantwoord die vrae.

Pasop, 'n anakonda!

- Die grootste slange op aarde is anakondas.
- Een anakonda is gemeet en was meer as 12 meter lank en meer as 'n meter in deursnit.
- Dit het na raming meer as 250 kg geweeg!

Hierdie reuseslange is baie vinnige swimmers. Hulle het neusgate bo-op hul koppe sodat hulle kan asemhaal terwyl hulle swem. As hulle bedreig word, kan hulle na die naaste watermassa ontsnap en tot 10 minute lank onder die water bly.

Anakondas is vleisvreters. Hulle verkies die vleis van soogdiere en reptiele. 'n Anakonda se tande is nie giftig nie, dus kan hulle nie hul tande gebruik om hul prooi dood te maak nie. Hulle gebruik egter hul tande om hul prooi vas te gryp. 'n Anakonda is 'n soort luislang – hulle krul dus hul kragtige lywe om hulle prooi en versmoor of druk dit dood. Dit kan 'n paar weke neem vir 'n groot prooi om in die maag van 'n anakonda te verteer.

Anakondas is sku diere wat selde gesien word en moeilik is om na te vors. Hulle word gekamoufler deur vlekkerige kolle op hul vel wat lyk soos die skaduwees en blare van hul habitat. Hulle het geen natuurlike vyande nie, behalwe die mens. Hulle oorlewing word bedreig deur die handel in eksotiese velle en die vernietiging van hul habitat.



Aangepas uit *Sawubona*-tydskrif, "Extreme Snakes" deur Keri Harvey

1. Omkring die regte antwoord: (3)

1.1 'n Anakonda van meer as _____ lank, is gevind.

a) 13 m

b) 12 km

c) 12m

d) 21 m

1.2 Sy deursnit was meer as 'n _____.

a) 1 m

b) 2km

c) 2m

d) 1cm

1.3 Die anakonda het _____ geweeg.

a) 251 kg

b) 250g

c) 250 kg

d) 250

2. Hoekom het anakondas neusgate bo-op hul koppe? (1)

3. Wat beteken dit as die anakonda **bedreig** word? (1)

4. Wat is die langste wat anakondas onder water kan bly? (1)

5. Watter tipe vleis eet anakondas? (2)

6. Hoe maak anakondas hulle prooi dood? Verduidelik. (2)

7. Wat beteken dit as 'n dier hom goed kan **kamoefleer**? (1)

8. Hoe doen anakondas dit? (1)

9. Wie is hulle vyande? (1)

10. Hoe word hulle oorlewing bedreig? (2)

Totaal 15 _____

2. Lees die volgende storie en beantwoord die vrae.



Koning Midas

Koning Midas was baie lief vir geld en rykdom. Hy het een keer vir Dionysus ('n Griekse god) in sy weelderige kasteel 'n groot guns bewys. As beloning vir sy guns het Dionysus vir Midas een wens gegee. Midas het gesê dat alles wat hy aanraak in goud moes verander.

Midas het onmiddellik sy beker opgetel en dit het in goud verander! Hy was so opgewonde dat hy sy kasteel aangeraak het en sowaar: in 'n oogwink was die kasteel van goud! Hy was die rykste koning ooit.

Hy beveel dadelik dat 'n feesmaal berei moes word. Gou het hy sy fout agtergekom toe hy wou smul aan die kos, want die kos het in goud verander. Hy het besef dat hy nooit sal kan eet nie en dat hy gaan sterf van honger.

Hy smeek toe Dionysus om vergifnis. Hy wou verlos word van die gawe wat nou net ongeluk bring. Dionysus het besluit om Midas se dwaasheid te vergewe en sê dat hy hom in 'n rivier moet gaan was.

Midas het 'n les geleer en is hierdeur van sy hebsug bevry. Daarna het hy 'n afsku in gierigheid en sy goue kasteel gehad.

1. Koning Midas was lief vir twee goed. Wat was dit? (2)

2. Watter wens het die Griekse god aan koning Midas gegee? (1)

3. Hoekom was dit 'n groot fout gewees? (2)

4. Wat het die Griekse god vir koning Midas beveel om te doen om van die gawe onslae te raak?(1)

5. Het koning Midas sy les geleer? (1) _____

6. Hoekom sê jy so? (1)

7. Wat leer jy uit die storie van koning Midas? (2)

Totaal : 10 _____

8. Lees die gedig en beantwoord die vrae:



Kom jol nou!

Dis die nuwe jaar,
bas en kitaar,
banjo en mandolien
kan jy orals sien.

Kom jol 'n bietjie saam,
boem, boem,boem,boem
speel die bas nou daar,
zoem,zoem,zoem,zoem.

Sing die kitaar.
tangelang,tangelang
hoor die ou banjo.
Tiengeling, tiengeling
sê die mandolien.



1. Van watter feesdag lees ons in die gedig? (1)

2. Op watter datum word die dag gevier? (1)

3. Waarmee RYM die woord **jaar** in die gedig? (1) _____

4. Waarmee RYM die woord **boem** in die gedig? (1)

5. Gee 'n ANTONIEM vir oud in die gedig. (1) _____

Totaal: 5 _____

Totaal 30

Afdeling B : Taalvaardighede

Vraag 1 Plaas die volgende woorde in die regte Vokaalgroepe. (4)

Woorde: Rook, rokke, doek, vlieg

Vokaalgroep 1	Vokaalgroep 2	Vokaalgroep 3

Vraag 2 Skryf die volgende sinne in ONTKENNING (2)

1. Iemand het die muis gevang.

2. Die spinnekop is baie gevaarlik.

Vraag 3 Skryf die volgende sin in die VERLEDE TYD en TOEKOMENDE TYD (2)

Die Anakonda druk sy prooi dood.

1. Verlede tyd: _____

2. Toekomende tyd: _____

Vraag 4 Onderstreep die SELFSTANDIGE NAAMWOORD in die sin. (2)

1. Anakondas is sku diere en word selde gesien.

Vraag 5 Onderstreep die BYVOEGLIKE NAAMWOORD in die sin. (2)

1. Anakondas is sku diere wat kragtige lywe het.

Vraag 6 Onderstreep die LIDWOORD in die volgende sinne. ($4 \times \frac{1}{2} = 2$)

1. Die Anakonda se oorlewing word bedreig deur die mense.
2. 'n Anakonda het 'n sterk lyf.

Vraag 7 Lees die volgende sinne en sê of dit 'n STELSIN, BEVELSIN, UITROEPSIN of VRAAGSIN is. (4)

1. Wanneer begin jou vakansie? _____
2. Eina! _____
3. Hou nou op om te praat! _____
4. Hy sit en lees 'n boek. _____

Vraag 8 Wat beteken die volgende idiome. (2)

1. Appels swaai.

2. Hy is in die pekel.

Totaal: 20